

Član 3.

(Naknada po prevezenoj toni robe)

- (1) Zračni operatori obavezni su BHDCA uplatiti naknadu po toni prevezene robe/tereta u redovnom i povremenom (charter) zračnom prijevozu u odlasku sa aerodroma iz Bosne i Hercegovine, u iznosu od:
 - a) 20 KM u 2017. godini,
 - b) 30 KM u 2018. godini i
 - c) 40 KM od 1.1.2019. godine.
- (2) Izuzetno od odredbe stava (1) ovoga člana, naknada se ne plaća za:
 - a) tranzitne pošiljke robe/tereta;
 - b) pošiljke robe/tereta oslobođene od plaćanja usluga prijevoza.

Član 4.

(Podaci o prevezenim putnicima/robi/teretu u odlasku sa aerodroma iz BiH)

- (1) Operator aerodroma, koji posjeduje potvrdu za obavljanje međunarodnog prometa, dužan je BHDCA dostaviti mjesečni izvještaj o prevezenim putnicima/robi/teretu u redovnom i povremenom zračnom prijevozu u odlasku sa aerodroma, po svakom pojedinačnom zračnom operateru koji obavlja promet preko tog aerodroma na način da se odvojeno moraju prikazati podaci o prijevozu putnika od podataka o prijevozu robe/tereta.
- (2) Izvještaji iz stava (1) ovog člana moraju sadržavati prikaz prevezenih putnika, odnosno robe/tereta u odlasku, po kategorijama:
 - a) putnici u odlasku sa aerodroma:
 - 1) broj putnika sa početnim polaskom sa aerodroma;
 - 2) broj putnika u transferu;
 - 3) broj putnika u tranzitu;
 - 4) broj putnika sa besplatnim kartama i beneficiranim kartama sa oznakom ID 00 i ID 90;
 - 5) djeca do 2 godine (INF).
 - b) roba/teret u odlasku sa aerodroma:
 - 1) tona prevezene robe/tereta sa polaskom sa aerodroma;
 - 2) tona prevezene robe/tereta u transferu;
 - 3) tona prevezene robe/tereta u tranzitu;
 - 4) tona prevezene robe/tereta oslobođene od plaćanja usluga prijevoza.
- (3) Izvještaj iz stava (1) ovoga člana, potpisan od strane odgovorne osobe operatora aerodroma, za obračunski period koji obuhvata kalendarski mjesec, operator aerodroma dužan je dostaviti BHDCA najkasnije u roku od 7 dana od dana isteka obračunskog perioda.
- (4) Sadržaj i izgled obrazaca izvještaja iz stava (1) ovoga člana, kao i uputstvo za njihovo popunjavanje i dostavljanje, naknadno će utvrditi BHDCA i biće dostupni na web stranici BHDCA (www.bhdca.gov.ba).

Član 5.

(Fakturisanje naknada)

Na osnovu izvještaja iz člana 4. stav (1) ove odluke, BHDCA ispostavlja račune zračnim operatorima s rokom plaćanja od 30 dana od dana ispostavljanja računa.

Član 6.

(Uplata naknada)

- (1) Zračni operatori naknade propisane odredbama ove odluke plaćaju na osnovu ispostavljenog računa od strane BHDCA.
- (2) Uplata naknada vrši se po Naredbi Ministarstva finansija i trezora BiH na jedan od depozitnih računa Trezora BiH.

- (3) Sredstva prihodovana po ovom osnovu korišćiće se preko programa za posebne namjene koje će Ministarstvo finansija i trezora BiH otvoriti po zahtjevu BHDCA.

Član 7.

(Neplaćanje naknada)

- (1) U slučaju neplaćanja dospjelih naknada od strane zračnih operatora, BHDCA zadržava sva prava da svoje dospjelo a nenaplaćeno potraživanje, naplati sudskim putem, u skladu sa važećim propisima, i da preduzme i odgovarajuće mjere propisane Zakonom o zrakoplovstvu Bosne i Hercegovine.
- (2) U slučaju zakašnjelog plaćanja naknada iz stava (1) ovog člana, BHDCA će obračunati zakonsku zateznu kamatu za svaki dan kašnjenja u plaćanju, po stopi koja je propisana zakonskim propisima koji su na snazi u Bosni i Hercegovini.

Član 8.

(Svrha)

Naknade iz člana 2. stav (1) i člana 3. stav (1) ove odluke služe u svrhu:

- a) zapošljavanje dovoljnog broja kvalificiranog i iskusnog zrakoplovno-stručnog kadra, neophodnog za izvršavanje nadležnosti BHDCA, u visini do 25% prihodovanih sredstava;
- b) specijalističko osposobljavanje zrakoplovog osoblja BHDCA, u visini do 25% prihodovanih sredstava;
- c) finansiranje projekata u oblasti civilnog zrakoplovstva, koji su vezani za razvoj civilnog zrakoplovstva i unaprjeđenje zrakoplovne kulture i sigurnosti letenja (Safety) u generalnoj avijaciji Bosne i Hercegovine, te podizanje nivoa zrakoplovne sigurnosti (Security) na međunarodnim aerodromima u Bosni i Hercegovini, koji će odobravati Vijeće ministara Bosne i Hercegovine na prijedlog BHDCA, u visini do 15% prihodovanih sredstava;
- d) tehničko osposobljavanje BHDCA - kapitalna ulaganja, u visini do 32% prihodovanih sredstava;
- e) plaćanje naknade operatorima aerodroma za prikupljanje podataka o prevezenim putnicima/robi/teretu u odlasku sa aerodroma u Bosni i Hercegovini, u visini do 3% prihodovanih sredstava.

Član 9.

(Završne odredbe)

- (1) Odluka stupa na snagu danom objavljivanja u "Službenom glasniku BiH", a primjenjivaće se po isteku 30 dana od dana objave ove odluke u zrakoplovnim publikacijama Bosne i Hercegovine (AIP).
- (2) Stupanjem na snagu ove odluke prestaje da važi Odluka o visini naknade koju plaćaju operatori zrakoplova po prevezenom putniku u odlasku i visini naknade koju plaćaju operatori zrakoplova po toni prevezene robe/tereta u odlasku sa aerodroma u Bosni i Hercegovini ("Službeni glasnik BiH", broj 4/12).

Broj 1-4-02-2-538-27/15

11. januara 2017. godine
Banja LukaGeneralni direktor
Đorđe Ratkovića, s. r.

Na temelju članka 13. stavak (1) točka (c) i (d) Zakona o zrakoplovstvu BiH ("Službeni glasnik BiH", broj 39/09), a u vezi sa člankom 3. i 3a. Zakona o administrativnim pristojbama Bosne i Hercegovine ("Službeni glasnik BiH", broj 16/02, 19/02, 43/04, 8/06, 76/06 i 76/07) i člankom 13. stavak (2) Zakona o financiranju institucija Bosne i Hercegovine ("Službeni glasnik BiH", broj 61/04, 49/09, 42/12, 87/12 i 32/13), uz suglasnost Vijeća ministara Bosne i Hercegovine sa 86. sjednice održane